

上元縣志



地 220.15
34
16

上元縣志卷三 輿地

疆域

縣之有治始於楚威王城石頭曰金陵邑秦改秣陵
實錄云在舊江寧縣東南六十里秣陵橋東北宋
書之故治村是也兩漢秣陵並因秦故孫氏改秣
陵曰建業而不聞改治晉平吳分淮水北為建鄴
南為秣陵元帝時改建業為建康實錄云縣治在
故都城宣陽門內古御街東寰宇記云咸和六年
徙出宣陽門外御街西金陵新志舊有城在吳冶
城東宋齊以下建康之治蓋俱在此隋平陳秣陵

上元縣志

卷三

疆域

一

建康並省而惟置江寧一縣唐初因之實錄云唐
縣治在州城西偏西即吳冶城東臨運瀆天慶觀
東即其地武德九年改縣曰白下移治白下城紀
要云在上元縣北十二里當石頭城之東北臺城
之西古名白石壘上元中改名上元金陵新志光
啟中復徙於鳳臺山西宋初遷南唐司會府地在
白下橋建炎中又徙城內東北隅昇平橋西即今
治焉按縣在古為秣陵為建業為建康為江寧為
歸化金陵白下復為江寧而後為上元名號屢更
治凡七易一在石頭一在故治村一在冶城東一



在白下城一在鳳臺山一在司會府而後爲今治
詳其變遷沿革而疆域可得而論云

縣自南唐始與江寧並附郭而縣治則定於宋之建
炎其時畫疆分界與今不異故廣袤之數及八到
之文前書咸據金陵新志所載新志云縣東西九
十五里南北八十五里東至句容縣八十里以周
郎橋中分爲界西至江寧縣界以古御街中分爲
界南至江寧縣七十里以永豐鄉白米湖爲界北
至六合縣界四十九里以瓜步大江中流爲界東
南到句容縣界七十里以東陳村爲界自界首至

上元縣志

卷三

疆域

二

句容縣三十五里西南到江寧縣界四里以大殷
鄉爲界東北到句容縣六十里以章橋爲界自界
首至句容縣八十里西北到六合縣界二十九里
以湖墅大江中流爲界自界首至六合縣八十五
里自縣治至京師三千四百四十五里

城內自東水關歷淮清橋內橋抵鐵窻橋俱以河心
與江寧分界而石城門內街以北至虎踞關其地

隸江寧

按上元江寧古以御街中分爲界今以古運瀆南北分界此其小異也

城之外東自朝陽門抵章橋又自麒麟門抵湯水朱
家山東南自通濟門歷淳化鎮抵土橋東北自太

平門歷東陽龍潭抵靖安廠河口皆與句容界西
自儀鳳門抵七里洲大江中流與江浦六合界南
自聚寶門歷殷鄉抵石湫壩與溧水界東南歷陶
吳鎮抵橫山與太平府當塗縣界若石城門之外
以隍爲界踰隍則隸江寧又通江橋以北至神策
門外府厲壇以南其地亦有隸江寧者至若四望
山古靖安道石頭盧龍山西麓俱不屬上元其犬
牙相錯蓋皆因宋元之故壤也而其所自始今不
能詳矣

坊廂 以下附

上元縣志

卷三

疆域

三

十八坊四圖原十八圖 十三坊三圖原七圖

十二坊三圖原八圖 織錦坊六圖原二十一圖

九坊二圖原六圖 技藝坊一圖原四圖 貧

民坊一圖原四圖 六坊一圖原三圖 木匠坊

三圖原九圖有半 東南隅一圖原三圖 正東

隅一圖原三圖 太平門廂十三圖原八十一圖

三山門廂一圖 金川門廂二圖原六圖 江

東門廂二圖原六圖 石城關廂一圖原二圖

按明洪武中徙浙直人戶填實京師凡置都城
之內者爲坊置都城之外者爲廂上元坊廂共

轄百七十六圖永樂中遷都大半隨行後復流徙因併為四十四圖今廢

鄉都

泉水鄉轄里十一 道德鄉轄里十 盡節鄉轄

里七 興賢鄉舊名長樂鄉轄里七 金陵鄉轄里三

慈仁鄉轄里六 鍾山鄉轄里五 北城鄉一

龍城轄里三 清風鄉轄里十一 長寧鄉舊有為政鄉併

附轄里十 惟信鄉轄里六 開寧鄉轄里三

宣義鄉轄里五 鳳城鄉轄里十四 清化鄉舊有

從信鄉併附轄里六 神泉鄉轄里十六 丹陽鄉轄

上元縣志 卷三 疆域 四

里十七 崇禮鄉舊有建康鄉併附轄里十

按洪武二十四年圖籍上元十有八鄉轄二百有三里後歸併為百五十里今仍之

舖遞

縣東十里曰城東舖舊名東門舖又十五里為磨石舖

又十五里為麒麟舖又十五里為洛家舖又十里

為張橋舖接句容界 東南二十里曰高橋舖又

二十里為淳化鎮舖又十五里為索墅舖又二十

里為土橋舖 西南為府前總舖又五里為三山

舖又十里為江東舖

鎮

淳化鎮在縣東四十五里鳳城鄉宋淳化五年立其地遮蔽句容應接京口形勢衝要有巡司石步鎮在縣東北四十里長寧鄉即古羅落橋鎮劉裕斬皇甫敷陳霸先會徐度等即此土橋鎮在縣東六十里與句容界靖安鎮在縣西北十五里本名龍安鎮以地有龍灣也宋曰靖安建炎四年岳忠武敗金人於此湖熟鎮在縣東七十里丹陽鄉

市

上元縣志

卷三

疆域

五

長安市在大中橋西三牌樓市在鼓樓北北門橋市在洪武街西即南唐北門街處晚市在定淮門內圓龍橋側居民至暮方集故名鴿子市在景定橋北舊名羊市舊志載有南市北市宜橋市馬市地隸江寧不載

古市

大市吳大帝立在建初寺前其寺亦名大市寺南北市宋武帝立南市在三橋籬門外亦名東市北市在大夏門外苑市在廣莫門內鹽市在朱雀門西小市在淮水北凡十餘所時都城在

淮水北丹陽郡在淮水南凡二十四航路巷相達
百貨輻輳古稱富麗焉金陵志六朝市廛多在淮
水北冶城東是也 紗市在城西北耆闍寺前
清化市卽今北門橋 湯泉市在神泉鄉之湯山
去縣六十里 棲霞市在長寧鄉攝山去縣四十
五里 索墅市在清化鄉去縣五十里 泉都市
在泉水鄉亦名龍都去縣五十五里 東流市在
宣義鄉去城四十里 花林市在清風鄉齊梁諸
墳多在其地去縣三十五里 龍灣市在金陵鄉
去縣十五里 竹篠市在長寧鄉去縣二十里舊
有巡司 西干市在長寧鄉去縣四十五里 章
橋市與張山接去縣五十里 石井市在高橋門
外去縣二十五里 蛇盤市在興賢鄉去縣二十
五里 麒麟市在開寧鄉去縣三十里 五城市
在崇禮鄉去縣二十五里 土橋市在丹陽鄉去
縣六十里 湖熟市在丹陽鄉去縣六十里

街

長安街在大中橋東直抵明西長安門 大通街
南北橫過長安街爲綽楔立四面曰四牌樓今廢
大中街在大中橋西南直抵三山街 崇禮街

在明正陽門西直抵大中橋 里仁街在大中橋

西宋程明道張南軒書院故基 存義街在里仁

街西宋上元學故基 時雍街在存義街西卽縣

舊治處 和寧街在時雍街西 中正街在和寧

街西 務功街圖志在善政坊舊名青溪坊 致

和街在務功街西舊名青平橋街 廣藝街在縣

治西舊名細柳坊一名武勝坊 大市街在縣治

西本名石城坊一名敦化街 洪武街在北門橋

東北明初開拓北城始闢此路故名 成賢街在

江寧府學前 太平街在太平門內俗呼御史廊

上元縣志 卷三 疆域 七

北新街在元津橋西 常府街在花牌樓東

義祥街在花牌樓北 馬路街在中正街東北舊志

載有三山街習藝東街習藝西街十三丈街評事街奇望街夫子廟街周處街馬道街俱隸江寧

古街

古御街在今內橋南直抵聚寶門宮苑記吳時自

宮門南出直抵朱雀門七八里府寺相屬晉成帝

因吳苑城築新宮正中曰宣陽門南對朱雀門相

去五里餘名爲御道夾道關御溝植槐柳輿地志

云自宮門至朱雀橋作夾路築墻覆瓦或作竹籬

使男女異行晉庾闡揚都賦云橫朱雀之飛梁轄

八達之通衢 朱雀街在朱雀航之北宮城記自
宮門南出夾苑路至朱雀門府寺相屬謝安所置
王東亭曰江左地促不如中國故紆徐委曲若不
可測蓋臺城在府城東北而御街迤邐而南屬之
朱雀門勢誠紆迴深遠矣 焚衣街在御街東梁
武帝廢東昏侯焚其奢淫異服六十二種於御街
因名 南唐御街卽古御街 按古御街今隸江
寧縣境者多

巷

釣魚巷在淮青橋東 盧妃巷一名美人巷在縣

上元縣志

卷三

疆域

八

治西北 程閣老巷在盧妃巷西 迴龍巷在花

牌樓南 黨公巷在花牌樓北 頭條二條三條

四條巷俱在西華門大街 細柳巷在常府街

張都堂巷在馬路街北 斛斗巷在大中橋北

離子巷在織造府東 碑亭巷在織造府西 青

溪里巷在竹橋西 紗帽巷在洪武街北 雞鵝

巷在北門橋旁 焦狀元巷在北門橋 柳巷在

神策門內 鮮魚巷在儀鳳門外 驢子巷在鼓

樓北 黃泥巷在朝天宮西北卽古運巷 王府

巷在朝天宮東

按縣治小巷不下數百今惟載其通街市者又考舊志載有十二巷惟盧妃巷屬上元餘俱隸江寧

古巷

運巷與冶城接沈約自序云王父從官京師義熙十一年高祖賜館於都亭里之運巷今俗呼爲黃泥巷主簿巷在明道書院右明道先生嘗爲縣主簿故名 聖火巷建康實錄在縣東南三里東晉王離妻李氏居之持洛陽舊火南渡色甚赤四方病者以火煮藥炙艾皆愈李氏卒火經時滅人呼爲聖火巷參佐巷金陵故事云會稽王鎮東府時立驃騎亭通驃騎航巷在航之西

按舊志載白楊青楊國子監馬糞烏衣諸巷今俱隸江寧

坊

全節坊在朝天宮西舊名忠孝坊晉卞壺死節處建安坊在鼎新橋北俗呼下街口 英靈坊在十廟街前 裕民坊在建安坊東 敦化坊在內橋西 善政坊在大中橋西舊名九曲坊舊志載有大功

善和二坊地隸江寧

古坊

金華坊慶元志在縣治東唐實錄云景雲中江寧令陸彥恭於縣東開金華坊東通清溪造金華橋度溪通潤州驛康樂坊慶元志城東半山寺處名康樂坊按晉謝元至靈運皆封康樂公居此故名鍾山坊在宋行宮前夾道石城坊在行宮前西夾道舊志載有鍾山坊今俱隸江寧

里

仁孝里在四條巷內篤義里在虎踞關北龍蟠里在烏龍潭側如意里在通賢橋東南

上元縣志

卷三

疆域

十

古里

子游里九域志言偃里在上元縣金陵故事在縣東二十二里都亭里見運巷

按金陵志云古志鄉各書里景定始遺之今故老知者亦鮮蓋初以鄉統里宋末易里之名曰保或曰管曰都由是相襲而失古矣至今口城中以里名者亦稀古里載金陵志今不具錄

橋

青龍橋在東長安門外洪武中建受銅井水西流入御溝白虎橋在西長安門外一名大通橋

會同橋在大通橋西北臨會同館 烏蠻橋在大通街 柏川橋在烏蠻橋西 以上五橋跨明御河

上方橋在通濟門外八里 中和橋在通濟門外

四里 通濟橋在通濟門外 利涉橋在東水關

南 文德橋在縣學前舊為浮橋萬歷中建 武

定橋在文德橋南舊名嘉瑞浮橋與長樂橋並峙

鎮淮橋即南唐御街直抵聚寶門者乃吳南津

橋也 飲虹橋一名新橋在鎮淮橋西 上浮橋

在飲虹橋北 下浮橋在上浮橋北 以上十橋跨

秦淮自利涉橋以下俱隸江寧以水道所經而并載之

上元縣志

卷三

疆域

十一

斗門橋即古禪靈寺橋秦淮入運瀆之始 武衛

橋近冶城即古西州橋 南乾道橋 北乾道橋

並在斗門橋之地即古高瞻橋處 崇道橋今倉

巷北出全節坊 鼎新橋在崇道橋東舊名小新

橋因馬光祖新立故名 笄橋在鼎新橋東即古

欽化橋宋名太平橋 景定橋在笄橋東舊名閃

駕橋景定二年馬光祖改造更名 以上八橋跨古

運瀆 淮青橋在大中橋西秦淮與青溪相接處故名相

傳明建文時侍中黃觀妻女死節處 清平橋西

通內橋青溪之在南唐城內者惟此 竹橋在元

津橋北一通舊大內一通古城濠以上三橋跨清溪

內橋御街之北宮前橋也宋政和中蔡疑重修又名蔡公橋南渡後建行宮於此改名天津橋不忘

西京故以名之昇平橋在內橋東北即宋東虹

橋大市橋在內橋西北即宋西虹橋飛虹橋

在盧妃巷以上四橋跨古宮城濠

大中橋舊名白下橋一名長春橋青溪此處舊有

大橋中橋故撮名曰大中橋乃南唐東門外橋當

江浙諸郡之衝飲萬馬於秦淮給諸屯之餽餉京

都之要衝也復成橋在大中橋北元津橋在

上元縣志

卷三 疆域 三

復成橋北西華門之前新浮橋在府學成賢街

南近易為石橋北門橋南唐北門之橋古清化

市橋宋名武勝橋通賢橋在北門橋東以上六

橋跨古城濠

正陽橋在正陽門外平平如砥三山橋在三山

門外石城橋在石城門外長干橋在聚寶門

外通江橋在金川門外臨山橋在龍江關外

以上六橋暨通濟橋跨明都城濠

珍珠橋在新浮橋旁土橋在珍珠橋北府學東

以上二橋跨珍珠河

蓮花橋在北門橋東 嚴家橋在蓮花橋北 紅板橋在嚴家橋北 石橋在紅板橋北 西倉橋在石橋北 進香橋在西倉橋北十廟圍牆外 以上六橋跨明進香河

獅子橋在鼓樓北 斜橋在三牌樓大街舊名未詳相傳其下昔時有水可通舟楫北出金川門開由通江橋達於江南抵北門橋今湮塞 草橋在斜橋旁 金川門橋在金川門內閘前近名大市橋 迴龍橋在定淮門內或云與清涼四望山勢回顧故名 塘坊橋在新街口北 漾米橋在新

上元縣志

卷三

疆域

三

街口南 董家橋在鐵塔倉東 五老橋在大陽溝東 壽星橋在五老橋南 錢厰橋在書院東 六水橋在書院南 欄杆橋在細柳巷 以上諸橋皆跨古溝

銅橋在上方橋東 高橋在高橋門外 下方橋在高橋東南 滄波橋在滄波門外 彭城橋在彭城山 石步橋在長寧鄉古名羅落橋 錢公橋卽章橋西近張山 復古橋在長樂鄉 葛橋在崇禮鄉方山東南齊書宋建安王景素反李安民破之於此 墅城橋在縣東三十里卽謝安賭

墅之所 亭子橋在清風鄉徐鉉新路記云建高亭於路周跨重橋於川上卽此 周郎橋在丹陽鄉吳周瑜渡秣陵破笮融下湖熟嘗經此故名 靈順橋在湖熟市 土橋在丹陽鄉 西流橋在宣義鄉 安濟橋在西流橋東北卽東流橋 韓橋在縣東北三十里 楊堰橋 五城橋並在崇禮鄉 霸橋在縣東北八十里與句容界 白水橋在縣東北二十里 秦淮橋在上方關北 以上諸橋皆在郊外

古橋

上元縣志

卷三

疆域

古

東門橋在樂遊苑 尹橋宋志云潮溝大港東出渡此橋 雞鳴橋卽齊武帝遊鍾山至此雞鳴處 募士橋吳大帝募勇士處 菰苜橋一名走馬橋在湘宮寺前東出渡溪有桃花園南曰大橋 大橋古迹編云東出句容大路度此橋 中橋宋志在上閘俗傳中橋路 陳書隋軍陷臺城晉王廣命斬張孔二妃勝於青溪中橋卽此 以上七橋景定志按實錄注云皆在古青溪之上

孝義橋卽甃子橋

楊烈橋宋王僧孺觀鬪鴨處

高暉橋建康西尉在此宋志云建興寺北路東

出度此橋宜在今乾道橋左右 檀橋在青溪上
〔齊書〕劉瓛住檀橋瓦屋數椽學冠當時 南渡橋
李白與酒客數人棹歌秦淮往石頭訪崔四侍御
詩云捨舟共連袂行上南渡橋乃秦淮上橋今不
詳其處 日華橋在宋行宮東跨護龍河 月華
橋在宋行宮西 廣富橋在月華橋北跨護龍河

古航

二十四航卽浮橋也〔輿地志〕六朝自石頭東至運
瀆總二十四渡皆浮航往來有事則撤航爲備

朱雀航在長樂渡處直對宣陽門又南爲朱雀門

上元縣志

卷三

疆域

五

非今之聚寶門也

驃騎航在東府城外晉會稽

王道子立

渡

江東渡在江東門外

新江關渡在新江口

龍

江關渡卽今下關

唐家渡對瓜步江

石頭津

在石頭山西北

龍安津與宣化鎮相對卽靖安

鎮 方山津在方山埭側

古渡

五馬渡在幕府山之前晉元帝與彭城諸王五人
渡江處 五城渡晉王敦黨錢鳳自倪塘西置五

城京都紀五城邊淮帶湖祖送多集此處唐景雲中縣令陸彥恭始於城側造橋 桃葉渡在秦淮口晉王獻之妾名桃葉獻之詩云桃葉復桃葉渡江不用楫後人因以名渡 蕭家渡又名邀笛步在上水關王徽之泊舟清溪側邀桓伊吹笛處張公凹渡舊志在金陵鄉長慶村之西臨江與六合縣桃家步相對古迹編隋平陳宇文述以行軍總管自此濟

教場

小教場俗呼小營古樂游苑地也今為漢軍訓練

上元縣志

卷三

疆域

六

之所及三年大比閱試諸生藝勇於此康熙二十三年

聖祖仁皇帝南巡閱鎮將射於教場二十八年

南巡賜江寧文武將士宴於教場

御製有詩乾隆十五年於場中建

閱兵臺

城池

郡城始自越范蠡築城於長干楚置金陵邑城於石頭其後六朝有都城有臺城有丹陽郡城隋為蔣州唐為昇州皆有城五代楊吳為金陵府城宋元

仍之俱詳見古蹟明初建都城惟南門大西水西
三門因舊更名聚寶石城三山外自舊東門處截
濠爲城開拓八里增建南門二曰通濟曰正陽正
陽而北建東門一曰朝陽自鍾山之麓西抵覆舟
山建北門一曰太平又西據覆舟雞鳴緣後湖以
北至直瀆山而西八里建北門二曰神策曰金川
西北括獅子山於內雉堞東西相向建門二曰鍾
阜曰儀鳳迤邐而南建定淮清涼二門以接於舊
西門實周九十六里

國朝改爲郡城省治在焉順治十六年以破海寇功更

上元縣志

卷三

城池

七

名神策曰得勝門明之皇城則在都城內之東鍾
山之陽前直正陽門卽今滿州駐防所居是也
城中兩邑分轄自通濟門而北至西北儀鳳門隸
上元其金川門明永樂中卽閉後以西北曠洩又
閉鍾阜定淮清涼三門

國朝康熙中復開定淮門

按城東北山勢延接舊無濠惟朝陽正陽通濟聚寶
三山石城清涼定淮儀鳳九門外有濠濠本爲二
一自朝陽門外平橋東走夔角橋抵通濟門外明
初所鑿也一自東水關外通濟橋分秦淮水南走

聚寶橋至西水關外復會秦淮水經三山橋繞石
城清凉定淮儀鳳門入江揚吳之遺蹟也今平橋
一濠復斷爲二分秦淮者仍通舟楫焉

外城西北據山帶江東南阻山控野關十有六門南
曰夾岡雙橋鳳臺大安德小安德馴象西曰江東
屬江寧縣東曰上方高橋滄波麒麟仙鶴姚坊北
曰觀音上元佛寧皆隸上元周百八十里舊制有
垣有闔今多圯西又有柵欄門二一在儀鳳門西
一在江東門北近儀鳳者屬上元

附〔上元城內溝渠考略〕

載江漢叢書

上元縣志

卷三

城池

六

金陵自楊吳跨淮立城而青溪斷絕自明人建紫
禁城改作東水關而秦淮不能迅流於城中以至
潮溝運瀆護龍河之類多不可考卽故道僅存徒
爲糞壤瓦礫之場煙火輻輳旣無清流以蕩其穢
濁而民間溝渠復在在湮塞不能流通貫注如人
之血脉經絡一有阻遏凝滯鮮有不爲疾病者也
人乘其氣以居自必相感召矣夫城中所謂溝者
數十百道紛紜斷續阻塞變遷甚難窮其源委夫
禹貢山經學者尚欲盱衡於數萬里之外而神遊
於數千載之上以求必得其說豈可以近在目前

而聽其若存若亡也乎某是以偶乘急雨初收著屐而往尋水流之踪跡詢橋巷之名稱因得識其從來辨其條理使斷續者各有淵源紛紜者得其派緒以待有世道之責者考訂焉按城北之河起乾河沿東行至北門橋而紅土山東永慶寺南之水自豆菜橋東經高家酒館大街北折經居民園內穿花家巷橋又穿韓家巷橋北經民居又北穿陸家巷橋經民居而北由饅頭橋入焉東過北門橋至蓮花橋而進香河之水入焉又東過通賢橋而紅土山東南之水自小五臺園上東傍諸塘由

園上經管家橋穿街又經園上小橋則水漸大如渠東經民居由塘坊橋穿高井大街又經民居直至沐府西門之內始出街經小石橋折而南循小紫竹林之街而東又至橫街舊有小橋修街者毀之其流遂斷轉而北折由塘邊經上乘菴後墻之外繞菴北魚塘又有小石橋穿街東北數十步卽馬家橋而中爲塘埂所阻至馬家橋則北流循香舖營街之東穿過數小巷直至雞鵝巷街南又折而東經民居由觀音閣後亦經民居東出小巷而網巾市北大倉園石板橋之水由園上經如意橋

入焉東又經民居至大椿樹而入楊吳城濠今自北門

橋東流折而南至大中橋之水皆楊吳城濠也又稍東而制府署後諸小

巷之水東北由查巴塘黃家塘華嚴菴北流經石

婆婆廟右入焉又東經竹橋而滿城有水自小開

口入焉即古之所謂青溪也又南經西華門橋復

成橋而倭緞堂東之水由倉前入焉又南而舊大

內五龍橋之水自半邊橋入焉又南經大中橋而

南流注於秦淮此縣境在北之水也其在南者以

運瀆為經自內橋西過鴿子橋筴橋分為二支一

支由乾道橋南流於江寧界至陡門橋入秦淮一

上元縣志

卷三

城池

三

支經鼎新橋西經倉巷橋而王府巷南朝天宮前

之水入焉又西經望仙橋而古城隍廟西之水入

焉又西經張公橋而石城門東冶城山之西之水

入焉自內橋以西其流皆甚短而地鮮積潦其水

皆隨運瀆而西出鐵窗橋以達於外河自內橋而

東則水東流而鐵塔倉山東之水自董家橋穿街

東經園上循豐府巷之南而東流又穿兩小巷於

民居內東穿高井大街之漾米橋而王府巷東北

葉家橋以東之水皆會焉又東循明瓦廊而東或

出街外或入民居又東穿白堦大街之北首入民

居又東出園上沿途阻碍穢惡不堪而新街口南之水至破布營東與之相會又東而南由園上經永安橋又南而東入民居經小宰猪橋又經園上循羊皮巷街南而東入民居東穿盧妃巷大街經大虹橋而東而老王府之水東南流至大街循大街南流在民居內將至大虹橋之水合焉又考土街以南內橋以北六朝宮闕多在於此此卽當時之御溝也今自虹橋東流循戶部街南宰牛巷北皆在民居之內東流而土街口東南之水及郵政街內之水則由鐵湯池東南穿街經諸塘又穿街

經龔家橋又穿街經諸塘而東南至戶部西小石橋穿街而南入民居與虹橋之水合流而東出宰牛橋橋雖小而水長盈至橋東而黨公巷之水自北入焉又同入民居南流經王景亮官房之內南出至書院後而五聖堂小橋之水自西入焉又東流抵花牌樓大街循街而南經民居出街循書院東墻而南而制府署前之水則由離子巷大陽溝之五老橋南流經壽星橋再南穿常府大街順街西折入小巷經小橋西南九蓮塘又西循倒回子巷順巷而南經倒回子橋又南經下衛橋經大塘

西轉由蒼橋而會宰牛橋之水於書院之東合流南經錢厰橋而西南繞書院前經六水橋而西方菴北之水由通忠橋循龍王廟西而南經大塘又傍民居之後而東流會於六水橋之西合流南經娃娃橋此蓋古之護龍河久而湮者也至娃娃橋南而細柳巷欄杆橋之水西流穿花牌樓大街而西傍興隆菴東而南而西由三山橋西出會於娃娃橋之南沿途壅塞亦甚又合而南流至縣治東而西方菴南之水與鬼臉營之水穿縣治東北之圍牆東出而會焉又南流經昇平橋而入古城濠

上元縣志

卷三

城池

三

東南流至銀定橋而王府塘八府塘之水自北入焉又東南流至淮青橋而入秦淮此皆上元城內溝渠之最大者誠能疏至寬深無所阻碍以待時雨之行洗上流之積穢而又能使秦淮復由故道爲之節宣則城中穢惡薰蒸以成疾病之事必少而於風俗人心亦不無小補也至所考溝渠皆係歷朝故跡長可數里深濶或能數丈水流涓涓不斷是以上皆有名橋並非市井新鑿之溝可比再考制府以南自離子巷起之大陽溝至縣東之昇平橋入河一水長可三里其水經民居之內者

甚少而壅塞穢濁之處亦希是以其流則清惟是
漾米橋上下大小虹橋上下以及塘坊橋上下居
民之門適塞其橋之口寸處壅遏其穢濁如糞池
溺窖蓋未必橋水之擅入民居乃居民之侵佔官
地也若異日者欲爲疏濬量給遷移拆毀之資清
理古溝故道處處立碑碣註明以垂永久豈不美
歟

廨署倉

學附

縣署在府治東北昇平橋西自宋建炎三年遷治於
此始建紹興三十一年知縣李闡之寶慶元年知

上元縣志

卷三

廨署倉學

三

縣趙時僑俱重修寶祐二年知縣曹之格建政達

存愛二堂

江萬里記

景定二年知縣楊應善改存愛曰

存心

姚希得記

元因其舊明洪武元年昇上元爲赤縣

建正廳七楹東西列長廊爲六房案牘之所正堂
後爲穿堂又後爲牧愛堂北折而西爲官廨東西
達於儀門儀門之外爲大門正統中知縣姜德政
重修國子祭酒陳敬宗爲之記官廨東舊無墻垣
萬歷十七年知縣程三省建

國朝康熙七年知縣李乾生重修大堂四十六年

聖祖仁皇帝南巡

御書朱子詩知縣趙聯捷敬懸於大堂五十八年知縣唐
開陶重修用形家言撤屏墻易以竹壁大門內舊
有寅賓館在西有亭二左曰旌善右曰申明今俱
廢署東南隅有明道先生祠今亦傾圮見祠祀
縣丞署舊在縣廳右掖後廢徙於左掖卽宋主簿衙
也正廳額曰明道先生均簡堂康熙乙巳秋縣丞
戴正宸立有記廳後爲宅今復廢丞僦民屋以居
典史署在縣廳右掖

淳化鎮巡檢署在縣東三十五里

儒學教諭訓導署俱在學明德堂東

上元縣志

卷三

廨署倉學

十四

陰陽學

醫學

僧會司

道會司俱無廨

庫在縣二堂側

獄在縣儀門內西

公館在淳化鎮今廢

文武公署在縣境者附載其名餘不及詳

公衙門在滿兵城內

察院在淮青橋爲省治接待大府之所

隸江寧

總督部院署在縣東北沐府東門

江寧將軍署

左右翼都統署俱在滿兵城內

江寧織造署在督院前街內有

聖祖行宮頃鼎新重建恭俟

皇上南幸駐蹕焉 又有

萬壽宮在西華門右

烏林大署在西華門四條巷

筆帖式署在蘆政大街

倭緞堂在常府街機房在西華門外故漢土府

理事同知署在中正街

北捕通判署在土街口即蘆政署

江寧府學教授訓導二署俱在府學內

布政司常平倉大使署在復成橋

龍江關宣課司大使署在儀鳳門外

龍江關大使署在儀鳳門外

上元縣志

卷三

廨署倉學

五

火藥局大使署在虹橋

中營副將署在織造署右

城守協鎮副將署在西華門大街

督標左營遊擊署在城東

城守左營遊擊署在城東北

城守右營都司署在蘆政大街

督標中營守備署在蘆政大街

督標左營守備署在城東

城守左營守備署在北捕廳左

城守右營守備署在城東北

江淮衛守備署在北門橋

興武衛守備署在十廟大街

戶部公館在花牌樓西

火藥局在虹橋羊皮巷

寶安局在碑亭巷

縣倉在公堂後兩旁萬歷二十年修建房六間

監穀倉在署內 添儲倉在廣藝街口乾隆 年建

預備倉在馴象門外賽工橋北洪武中建俗名上倉

萬歷二十年知縣程三省重修建倉房九十六間

國朝康熙五十八年知縣唐開陶增修

上元縣志

卷三

廨署倉學

三

水次倉在觀音門外近大江便於兌運洪武中建俗
名下倉

江寧府學在雞籠山東南

鍾山書院在縣治東北錢廠橋

上元江寧兩縣學在文德橋 地隸江寧

義學在鍾山書院西

武學在縣治西北裕民坊今廢

貢院在利涉橋 地隸江寧

督學察院在鎮淮橋東北 地隸江寧 自江寧府學以下俱詳學

校

養濟院舊在通江橋柳林中明洪武間建後毀爲民居所侵萬歷間改建於三山門外水次倉側育嬰堂舊在三山門外

國朝康熙二十八年建太史鄧旭有記雍正十二年奉旨改建二堂於聚寶門外之佟園總督趙公弘恩倡捐銀九千六百兩有奇置田撥洲又歸併舊育嬰堂田房租以給衣糧等費

地隸江寧

